



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXVII. Die Ivlii.

urn:nbn:de:hbz:466:1-9625

Mortif.

officio, & rosario recitato. Mortui cili-
cium illustri matronæ aliquid è San-

cti, vt aiebat, viri rebus poscenti, da-
tum.

XXVII. DIE IVLII,

P. L V C A S

XAMPELLVS NOVITIVS

27 Iulij Sar-
dus Cadari.
1566. ætat.
31. Soc 2.
Leuitates.

*Exemplum.**Vocatio.**Exempli via.**Lingua.**Mortuus.*

Hic ante initam Societatem poë-
si (non turpi quidem illâ sed
ludicrâ, & Sacerdotis nomini pa-
rùm consentaneâ) felici ad pangendos
versus vernaculos ingenio delectaba-
tur, & canebat iuuentus passim, quæ
Lucas lucubrabat, non sine stoma-
cho virorum grauiorū. Nosocomium
fortè ingressus, cum intentè contem-
plaretur P. Petrum Spiga (virum pri-
mæ planè virtutis) infirmis sese multi-
fariam impendentem, exemplo illo
vehementer permotus est; maximè
cum Spiga verba quoque pro inuita-
mento quædam illi subderet acria &
velut sagittas è Dei arcu missas. De-
dit operi manus Lucas, & postea So-
cietati nomen; in qua 20. mensibus
annos virtutum vixit. Dabo eius lau-
dum compendium è Soc. historia &
ore multorum; Nunquam vox eius
ore insonuit, nisi de Deo. Neque id
vnquam nisi cum audientium summâ
iucunditate: nec deerat quod sanctè
grateque diceret. Aded vena cordis
abundabat. nihil magnum, aut pa-
ruum in eo animaduersum, quod le-
uissimæ culpæ affine, vel à perfectione
alienum videri posset. Admirationi
erat indefatigabile illius corpus pari-
ter, & animus laboribus charitatis.
Petrus ille Spiga verò vir sanctè per-
spicax ait, os illud sanctissimum etiam
inter dolores, ab laudibus Dei nun-
quam cessasse. Nunquam visus est
tristis; nunquam quicquam deside-

rans, aut anxius, aut parturbatus; sed
ore semper angelico eodem vultu ad
omnia quæ agenda erant accedebat.
Plura de illo in historia Sacchinus.

P. I A C O B V S

WIECVS.

Romæ in Societatem cooptratus,
postea linguarum, & omnis lite-
raturæ scientiâ clarus Sigisnundi Ba-
tori Transyluanix Principis fuit ma-
gister. Facilis erat ad lachrymas tene-
ræ pietatis. In morbo supremo S. Au-
gustini exemplo 7. Psalmos peniten-
tiales audiens meditabatur, lachry-
mis affluenter manantibus. Magna de
vino, & mortuo, cum doceret, cum
regeret, in aula, & domi, fuit de illo
opinio. Dexterâ illius manus, quâ pro
fide orthodoxa plura præclare scripse-
rat, aliquot à morte annis consumpto
reliquo corpore inuenta est incorru-
pta. Ossa anno 1610. nouo loculo in-
clusa, & loco nobiliore sunt posita.

Polonus
Cracouie
27. Iulij
1597. ætat.
57. Soc. 14.

Mort.

P. G V I L I E L M V S

LEONIVS.

Hollandicæ expeditioni 22. annos
impedit strenuè; quicquid æ-
muli contra, quicquid alij fremerent,
& obtrectarent. Ultraiecti, rebus ma-
ximè turbidis, in turbido quoque sci-
tè feliciterque piscatus est; non minus
orandi studio quàm animarum quæ-
rendarum assiduitate laudatus; idque
aded, vt eum inter orandum dome-
stici

Belga Vl-
traiecti. 27.
Iulij 1612.

Oratio.

stici clarâ luce aliquando circumfusum repererint. Illud vehementer in eo admirati sunt alij, quod absentum cogitata ita quandoque enucleatè aperuerit quasi eorum corde, ac mentibus introspectis.

XXVIII. DIE IULII.

P. QVINTINVS
CHARLARTVS.

st Iulij Belgæ Tornacensis. 1556.

Quintinum ante Societatem quoque in vitam fama summæ virtutis celebravit quæ aliquibus ad fidem orthodoxam inuitamentum fuit. A Sancto Patre Ignatio Collegij Romani Rector renunciatus, ad omnia vbique idoneus magno animarum studio flagrauit. Pro quodam, qui SS. Eucharistiam pedibus impiè subiecerat, voluntariam sibi vnius anni à carnibus abstinentiam indixit, siue ut iniuriam diuino illi Angelorum pani factam quoquomodo sarciret; siue, ut impium illum conuerteret. Ab hæreticis nonnullis ad necem fraude petitus est; odio inde nato, quod illum tam studiosè rem Catholicam agere indignarentur. Prædixit se prope diem moriturum. Idem alteri cuidam ex verò est vaticinatus. Et verò mortem ipse breui obiit eam, quam heroës obeunt in opere charitatis apud lue contactos. Supra illius, & sociorum duorum sepulchrum civium quidam lumina & splendores sibi videre sunt visi. Ludouicus Blofius Abbas aiebat eius exemplum rei Catholicæ amplificandæ plus profuisse quàm Ecclesiastæ pro pulpitis, militesque in campo profuerint. Hæretici aiebant, in Patre illo nihil esse quod displicere possit, nisi quod esset Papista, siue Catholicus. Tornaci eum esset Canonicus, domum aliquando sine pallio, sine tunicâ aliâs, nonnunquam sine cal-

ceis redibat, cum ea obuiio petenti, ac feminudo pauperi cuiquam dedisset. Noctu domos pauperum verecundorum visebat, S. Nicolai exemplo in eos liberalis: & cum sua iam dedisset, alios ad id genus eleëmofynam liberaliter faciendam inuitabat, vrgebat, peruincebat.

Elem.

P. FRANCISCVS
CORDVBENSIS.

Filius Ducis Cardonæ, & Segoræ marchionis Comarenfis, dignus P. Balthasare Alvarez magistro tyro. Triclinium, præ teneritate intimæ demissionis, positus humi genibus vererebat, pauimentum osculis, & lachrymis veneratus. Ingenti animi granditate contemnebat quicquid honorum æstimat Mundus inspiens, publicos de vanitate triumphos agens contempitione sui palàm nobili, etiam Salmanticæ in oculis vniuersitatis, cuius Rector olim fuerat. Si à quopiam minoris se fieri aduerteret, cum illo agebat longè frequentius, atque libentius. In tertiæ probationis anno cum è pago porcellos Villagartiam ageret ac eorum vnum fessum videret, eum in nobiles illos humeros sublatum porrauit; ut olim in monte Cassino Carlomannus: domi quoque haram illi, alijque ipse crudis lateribus extruxit aluitque: idque sole ardente. Inde illi febris, & mors.

Hispanus Villa-Gartizæ 38. Iulij 1580. Soc. 2.

Humil.